trech volea ozi venir in campo a trovarne per far uno consulto col Governador; l'hanno rimesso a doman. Scriveno mancha assa' guastadori, Item, esser venuto in campo li thesorieri francesi per li ducati 6000, et loro Provedadori non hanno danari; et essi francesi in tutto, con quelli 6000 se li paga, non hanno 8000 fanti di 16 milia fanti dieno aver; sichè loro dicono è robati da li fanti; unde bisogna omnino pagarli. Però si mandi danari etc. Item, mandano alcune letere dil secretario Caroldo.

Di Zuan Jacomo Caroldo secretario, drizate al provedador Griti, date in campo a di 10, hore una di note. Come, per uno puto ussito di Verona, si ha inteso è zorni 10 beveno aqua, et è zà 5 di non hanno carne, manzano carne di cavali e aseni; non si vende pan in Piaza. Item, scrive monsignor di Lutrech à scrito a la Maestà dil Re esser stato nel nostro campo, e lauda li fanti spagnoli, et che Sabado si tirerà sotto la terra a far la bataria, ch'è a di 13, et presto sperava scriverli bona nova, et non dubita di soccorso, perchè in zorni 15 non pol esser. Et in questo mezo l'harano spazata, perchè come si bate do dì, si farà movesta etc. Item, scrive, par, per via di uno milanese ha praticha con 3 capi spagnoli è in Verona dito monsignor di Lutrech; el qual desidera si mandi le spie, e lui ne ha mandate do per veder si vien socorso. Zerca Valpolesela, soa excelentia dice voria li fosse tolto etiam li animali, aziò quelli di Verona non habino da viver; et è contento se li habbi tolto formen-

Dil dito Caroldo, di 11, hore 16. Come ha visto in monsignor di Lutrech grande afection a l'impresa; ozi vol esser a Santa Lucia in consulto col 350° Governador. Zercha li homeni fati preson in Val Polesella, dice li farà liberar, et cussì ha parlato a monsignor di Scut suo fratello; ma si duol ha solum 200 guastadori, et che voria fosse stà tolto li bestiami di Val Polesella, ma non si fazi presoni li contadini etc., ut in litteris.

Dil dito secretario, date a di 11, drizate a tutti do li Provedadori. Come, andato per voler parlar a monsignor di Lutrech, qual zuogava, li disse esso secretario li voleva parlar per avisi auti di Roma, Rispose: « È avisi di monsignor di Lodeva; lassateli, li lezerò questa sera etc.

Dil Governador zeneral, date a dì 11. Scrive zercha l'aviso di Roma, che venendo socorso di spagnoli, non sarano in tempo, Verona sarà nostra, e lui è in ordine; doman se li andarà soto. Et parlato con missier Antonio da Castello, qual è sopra le artellarie e guastadori, dice aver pochi bombardieri, ha solum 300 guastadori; sichè essendo le cosse achade in ordine, si farà, nè mai si ha una cossa compita.

In questo zorno, post prandium, in Quarantia criminal, essendo eri in Pregadi preso tra.... e Consieri, per il piedar di Avogadori, di retenir Saba comito di la galia di sier Francesco Contarini patron a Baruto, per disobedientia contra il capitanio di l' Avogaria, andò a zerchar contrabandi a la galia e usò stranie parole, desbolò una cassa etc.; hor sier Faustin Barbo l'Avogador, ozi lo menoe in Quarantia et prese fosse ben retenuto. Et eri fo preso che Cibeschi è a la guarda, vadi lui comito al viazo; et eussì ozi di largo fo preso dita parte.

A dì 13. La matina, el Principe non fo in Colegio, et fo di campo, di Provedadori zenerali. date, ut supra, a di 12, hore 18. Come era zonto uno thesorier francese li in campo per li danari di 6000 venturieri se li paga, con stranie parole, dicendo amore Dei si fazi almeno Luni, a di 15, si habi da darli ducati 6000; et bisogna darli, perchè francesi poleno dir cussi. Item, il secretario Caroldo scrive che monsignor di voria braza 12 damaschin nostro; al qual il Re li donò Castion et Tabinecho; però scriveno se li mandi, sarà molto a proposito nostro.

Dil Caroldo secretario, di 12, hore 12, drizata a li Provedadori zenerali. Di coloquii auli con monsignor episcopo di Terme secretario di Lutrech, et il suo arzentier, qual l'à certato dil bon voler di Lutrech a l'impresa.

De le cosse e nove di Roma disse non è nulla. Si aspela due oratori in Franza di l'Archiducha a confirmar lo acordo, nel numero di qual è monsignor di Ravastein, et che aspetava dal Re li capitoli. Bi- 351 sogna habiamo Verona, e l'haremo presto, e si non era quello, saria andato a Milan lassando la impresa ad altri. Item, non vol si fazi presoni di Val Polesella. Item, el dito voria li fosse mandato 26 braza di damaschin negro; è bon mandarlo, e Dio volesse avanti la guerra si havesse cussì fato con Rubertet. Item, il marchese Vielmo li ha ditto esser a Goito 8 spagnoli, et volendo; li darà in le mano. Item, è uno si fa capo di guastadori, è bandito di Venezia. E scrive, se l'ha mal vivesto a Venecia, non si corezerà in campo. Item, è certa pratica in Verona etc. Item, manda la copia di una letera scrita per li oratori francesi sono a Roma, di 6, hore 9, al re Christianissimo, molto savia e longa, qual li ha mostrata monsignor di Lutrech, zercha la nova di quello han-